

ქართულ–აფხაზური ახალგაზრდული დიალოგი 2008-2012 წლებში

გრიგოლ ჭკადუა

*სამაგისტრო ნაშრომი წარდგენილია ილიას სახელმწიფო უნივერსიტეტის
მეცნიერებათა და ხელოვნების ფაკულტეტზე საერთაშორისო ურთიერთობების
მაგისტრის აკადემიური ხარისხის მინიჭების მოთხოვნების შესაბამისად*

პროგრამა: პოლიტიკის მეცნიერება (საერთაშორისო ურთიერთობები,
ევროპის მცოდნეობა, კავკასიის კვლევები, საბჭოთა კვლევები,
პოლიტიკის სანთროპოლოგია)

მიმართულება: საერთაშორისო ურთიერთობები

სამეცნიერო ხელმძღვანელი: დავით აფრასიძე

პოლიტიკის მეცნიერებების სრული პროფესორი

ილიას სახელმწიფო უნივერსიტეტი

თბილისი, 2014

სარჩევი

აბსტრაქტი.....	3
შესავალი.....	5
ლიტერატურის მიმოხილვა.....	8
კვლევის მეთოდოლოგია.....	11
კვლევის შედეგები და შედეგების მნიშვნელობა.....	12

თავი 1

1.1 ახალგაზრდული დიალოგი 2008 – 2010 წლებში.....	13
--	----

თავი 2

2.1 ახალგაზრდული დიალოგი 2010 – 2012 წლებში.....	19
დასკვნა.....	24
გამოყენებული ლიტერატურა.....	30
დანართი.....	33

აბსტრაქტი

წინამდებარე სამაგისტრო ნაშრომში იხილება ქართულ-აფხაზური ახალგაზრდული დიალოგის პროცესი 2008 წლის აგვისტოს ომიდან 2012 წლის ივლისის ჩათვლით. ნაშრომის კვლევის სფერო მოიცავს 2008 წლიდან 2012 წლის ჩათვლით ახალგაზრდული დიალოგის პროცესის აღწერას, მასში მონაწილე მხარეების პოზიციების გაანალიზებას დიალოგის მნიშვნელობის ანალიზს და მის წვლილს ქართულ-აფხაზური კონფლიქტის მოგვარებაში.

ამ თემაზე მუშაობისას განგებ იქნა შერჩეული 2008-2012 წლები და ამ პერიოდში განხორციელებული დიალოგის პროცესები რადგან, აგვისტოს ომის შემდეგ კავკასიაში და კერძოდ საქართველოში როგორც პოლიტიკური ელიტის, ისე სამოქალაქო საზოგადოების მხრიდან აქტიურად დაიწყო კონფლიქტების თემატიკით ინტერესის ზრდა. მიუხედავად იმისა, რომ ქართულ-აფხაზური ახალგაზრდული პროექტები 2008 წლის აგვისტომდეც სხვადასხვა ფორმით და სხვადასხვა ორგანიზაციების მეშვეობით იმართებოდა, 2008 წლის აგვისტოს ომის შემდეგ მკვეთრად გაიზარდა ახალგაზრდების ჩართულობა ქართულ-აფხაზური ახალგაზრდული დიალოგის პროცესში.

ნაშრომზე მუშაობისას დამუშავებულ იქნა ქართულ-აფხაზურ კონფლიქტში ახალგაზრდების მონაწილეობის შესახებ და ახალგაზრდული დიალოგების შესახებ არსებულის სამეცნიერო ლიტერატურა, საგაზეთო სტატიები, საისტორიო წყაროები, საერთაშორისო ურთიერთობების მკვლევართა და ექსპერტთა სტატიები, ანალიზები, სამთავრობო დოკუმენტები, საქართველოს პარლამენტის დადგენილებები, სამთავრობო სტრუქტურების განცხადებები, სხვადასხვა სამეცნიერო ნაშრომები, ქართული და უცხოური საერთაშორისო ორგანიზაციების ანალიტიკური ნაშრომები, პუბლიკაციები და ინტერნეტ რესურსები. აგრეთვე გაანალიზდა ის ინფორმაცია, რომელიც მოპოვებული იქნა დიალოგის პროცესში ჩართული ქართველი და აფხაზი ახალგაზრდების, პროექტის კოორდინატორებისა და ავტორებისგან აღებული ინტერვიუებისას.

მოპოვებული

ინფორმაციის ანალიზის,

მათი ურთიერთშეჯერების საფუძველზე შეგუდები წარმოგიდგინოთ ქართულ-
აფხაზური ახალგაზრდული დიალოგის მნიშვნელოვანი ასპექტები.